



Prishtinë, 23 shkurt 2016
Kodi i ZRRE-së: V_791_2016

Bordi i Zyrës së Rregullatorit për Energji

Duke u bazuar në:

- Nenin 8 paragrafi 1 nënparagrafi 1.6, nenin 14 paragrafi 2 nënparagrafi 2.16 dhe nenin 25 të Ligjit për Rregullatorin e Energjisë (Nr.03/L-185);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V-703-2015 të datës 20 shkurt 2015 për shoqërinë "SOLAR GREEN ENERGY" SH.P.K., se ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga panelet solare-fotovoltaike në vendin e quajtur Xhimarez, ZK Novoselë, kapaciteti i instaluar prej 3 MW, KK Kamenica, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga panelet solare/fotovoltaike, në vendin e quajtur Xhimarez, ZK Novoselë, kapaciteti i instaluar prej 3 MW, KK Kamenica, të datës 18.01.2016, të shoqërisë "SOLAR GREEN ENERGY" SH.P.K., me adresë "Luan Haradinaj nr. 21/1 – Prishtinës, Republika e Kosovës,

në seancën e mbajtur me datë 23 shkurt 2016 nxori këtë:

V E N D I M

- I. **SHTYHET** afati i vlefshmërisë së Vendimit mbi Njoftimin për Autorizimin Preliminar V_703_2015 i datës 20 shkurt 2015, i lëshuar shoqërisë "SOLAR GREEN ENERGY" SH.P.K., edhe për një afat gjashtë (6) muaj, gjegjësisht **deri me 20 gusht 2016**.

A r s y e t i m

- o ZRRE, me datë 16.12.2015 nga shoqëria "SOLAR GREEN ENERGY" SH.P.K., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike nga panelet solare-fotovoltaike në vendin e quajtur Xhimarez, ZK Novoselë, kapaciteti i instaluar prej 3 MW, KK Kamenica, Republika e Kosovës.
- o ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga panelet solare/fotovoltaike, me datë 20 shkurt 2015 ka



lëshuar Vendimin mbi Njoftimin për Autorizimin Preliminar V_703_2015, dhe ka udhëzuar aplikuesin që t'i plotësoj kërkesat tjera ligjore që kërkohen me legjislacionin në fuqi në Kosovë.

- Vendim mbi Njoftimin për Autorizimin Preliminar, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së Autorizimit për ndërtimin e kapaciteteve të reja.
- Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
- Njoftimi mbi Vendimin për Autorizimin Preliminar përcakton se aplikuesit i garantohet lidhja e Marrëveshjes për Shitblerje të Energjisë Elektrike me Furnizuesit Publik në kohëzgjatje 12 vjeçare, e cila do të lidhet së paku (30) ditësh para datës së fillimit të operimit gjenerues.
- Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqëria **“SOLAR GREEN ENERGY” SH.P.K.**, do t'i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.
- Aplikuesi **“SOLAR GREEN ENERGY” SH.P.K.**, me datë 18.01.2016 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar dhe në kërkesën e saj ka sqaruar se: që nga koha e lëshimit të Vendimit mbi Njoftimin për Autorizimin Preliminar, i kanë ndërmarr të gjitha hapat e nevojshëm për ti plotësuar të gjitha kushtet e kërkuara nga ZRRE.
- Aplikuesi ka sqaruar se janë në proces të marrjes së Lejes Ndërtimore nga Komuna e Kamenicës e cila deri më tani nuk është siguruar, edhe pse nga Kuvendi Komunal i Komunës së Kamenicës i është dhënë në shfrytëzim prona e paluajtshme komunale për ndërtimin e kapaciteteve të reja gjeneruese nga panelet solare fotovoltaike, mirëpo janë njoftuar nga Drejtoria e Urbanizimit e komunës së Kamenicës, se nuk kanë mundësi që të pajisin me lejen e ndërtimit të kapaciteteve të reja gjeneruese në atë hapësirë, pasi që është paraparë ndërtimi i terreneve sportive. Ka sqaruar se kjo paraqet një pengesë dhe barrierë e cila nuk mund të kontrollohet. Në ndërkohë ka sqaruar se janë njoftuar nga Komuna e Kamenicës se janë duke u ndërmarr të gjitha hapat e nevojshëm ligjor për revidimin e hartës Zonale të Komunës së Kamenicës.
- Gjithashtu ka sqaruar se janë në proces të marrjes së lejes për kyçje në rrjet të KEDS-it, ku kërkesa bashku me projektin energjetik janë duke u shqyrtuar. Andaj bazuar në nenin 16 paragrafi 6 i Rregullës për Procedurën e Autorizimit është kërkuar që të na vazhdohet afati edhe për gjashtë (6) muajor i Vendimit mbi Njoftimin për Autorizimin Preliminar në përputhje me legjislacionin në fuqi, në mënyrë që të vazhdojmë me kompletimin e dëshmive dhe realizimin e projektit në tërësi.





- ZRRE pas analizimit të kërkesës për shlyerje të afatit të vlefshmërisë të Vendimit mbi Njoftimin për Autorizimin Preliminar, ka vlerësuar atë dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.


- II. Shoqëria **“SOLAR GREEN ENERGY” SH.P.K.**, obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtim të kapaciteteve të reja gjeneruese për prodhim të energjisë elektrike nga panelet solare/fotovoltaike, në vendin e quajtur Xhimarez, ZK Novoselë, kapaciteti i instaluar prej 3 MW, KK Kamenica, gjegjësisht deri me datën **20 gusht 2016** duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.
- III. Pas skadimit të afatit të cekur më lartë, Vendimi V-703-2015 i datës 20 shkurt 2015 mbi Njoftimin për Autorizimin Preliminar, **do të shfuqizohet në mënyrë automatike, dhe nuk do të shqyrtohet nga Bordi i ZRRE-së.**
- IV. Vendim nxirret në gjuhën shqipe dhe do të përkthehet në gjuhën serbe. Në rast të mospërputhjes në mes të versioneve, do të mbisundojë versioni në gjuhën shqipe.
- V. Vendimi hyn në fuqi në datën e miratimit nga Bordi i ZRRE-së, dhe do të publikohet në faqen elektronike zyrtare të ZRRE-së.


Këshillë juridike: Pala e pakënaqur me këtë Vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:


Enver Halimi, kryesues


Kreñar Bujupi, anëtar


Arsim Janova, anëtar


Qemajl Mustafa, anëtar


Besim Sejfiqaj, anëtar

Vendimi iu dërgohet:

- Palës,
- Komunës së Kamenicës,
- Sekretarit të Përgjithshëm të MMPH-së, dhe
- Arkivit të ZRRE-së